


北京圖書館
編

北京圖書館藏家譜叢刊
閩粵（僑鄉）卷

北京圖書館出版社

節堂祖世德堂祠社圖

吳堯階繪



節堂祖世德堂祠址圖

吳亮階繪

北京圖書館
編

北京圖書館藏家譜叢刊
閩粵
(僑鄉)卷

第 10 冊

北京圖書館出版社

節堂陳公祠

第十冊目錄

南海鶴園陳氏族譜	一
陳氏族譜	五二三

鶴園陳氏族譜序

昔韓文公有言曰莫為之前雖美弗彰莫為之後雖盛弗傳誠我是言故有創作於前者尤貴有繼述於後也溯我 始遷祖佛正公自宋度宗年間由珠璣巷而來擇居佛山開族分支迄今數百年歷數十傳矣年湮代遠恐世系之難稽勢易時移慮派傳之失序族同人有見於此遂集合族老少倡議修譜之事倣照先型編為族譜夫譜者譜也將世系昭穆叙一系之親傳

萬支之派普及尊卑長幼使稱名之不素也及
決議修譜之事行委豫為總纂與族中海籌叔
祖等為會輯豫雖庸愚安敢方命然恐頭緒紛
如編輯匪易幸有金魚房柳生君者誼屬宗家
素相來往知其長於修纂之能遂敬聘柳君為
編輯得其模範今者譜牒告成所願子子孫孫
勿替引之籍斯以垂不朽也是為序

民國六年歲次丁巳夏歷七月吉日十八傳孫萬豫敬序

鶴園陳氏族譜序

原夫族譜者沿流以溯源使長幼有序尊卑有等也發金魚房族譜修之久矣曾與分房鶴園房父老昆弟常相往來談及攷世系之事自關重要其族諸君等稱言向未總輯成書發嘆其缺點實甚於是力勸其舉辦幸諸君深韙予言遂集議執行予檢本族譜系出而視之以為模範諸君喜不自勝聘予為編輯遂同海籌叔仲謙姪協同襄辦竊思予於本族修譜時亦曾從

事於斯頗知昭穆之分不紊等差之別此次承
命就聘予雖不敏不敢告勞非敢言長於纂辦
也亦不過引導以先之耳今幸告厥成功在諸
君守敬宗修族之訓在予亦效執鞭附驥之能
祖宗其有靈乎亦人事之相齊也願此後蕃衍
盈升繼繩勿替有厚望用撰文以紀其事附諸
剞劂而博諸譜系云爾

民國六年歲在丁巳夏曆七月吉日金魚房十七傳孫春發拜序

鶴園陳氏族譜序

夫國史以編年紀事也族譜序左昭右穆也我陳姓由胡公遞派而下歷可攷其世系各族鄉先達均注意修族譜者蓋以念木本水源之義得萬支一脈而來焉溯我鶴園房始遷祖佛正公與金魚房了翁公水便房水村公係屬昆仲前宋時代由閩至粵之梅嶺擇居於佛山巨鎮漸次蕃衍各自鼎建祠宇遂名爲三大房以奉祭祀我佛正公宗祠始則創立於鶴園繼則遷建於沙洛增其式廓祠宇宏敞名曰陳大塘乃鶴園陳也至今街名亦書大塘正街佛山誌所備載焉回溯前清嘉慶時鄰右廟宇神誕借祠前大塘支篷搭蓋劇演梨園突遭回祿牽連焚燬祠宇變爲邱墟木主化成灰燼良可慨也及後再遷祖祠於汾水西便巷然數百

餘年來故父老昆弟等不乏明達之人竟未提議族譜之事今

樞

照

與各房父老昆弟倡及修譜荷蒙贊成舉辦

樞照

不敏亦願隨

諸君之後惟是分類序齒須循次第倘無人以教導之恐頭緒紛
如也今幸矣幸得金魚房柳生君者其人素具敬宗修族之心常
懷承先啟後之願乃從而匡直之輔翼之我族其受賜多矣我輩
其永矢弗諼矣宜如何愛慕之而拜謝之茲者闔家譜房譜編輯
而告成族譜先祖其有靈乎當亦無憾於九原矣用是撰文以紀
緣由是爲序

民國六年歲在丁巳夏曆八月吉日 十六傳孫樞照謹序

鶴園房廿一傳起續
撰世派十六字楹聯

嘗思枝蕃葉盛歷歲月而彌昌宗遠族綿攷名文而
添註我鶴園房世顯五朝傳逾二十先祖所遺字派
後輩久已用全茲當二十一傳亟宜續撰謹擬字派
闔族歡騰刊就楹聯宗祠高掛俾登堂瞻仰敬慕存
焉從此字派既增命名有定由二十一傳起須循派
數改之將見滿堂金玉昭穆易知出入尊卑庶無越
份也喜得千百孫曾螽斯衍慶書留十六字派麟趾
呈祥矣是為序

十八傳家會敬誌

二十一傳起續撰字派聯文

福善培蘭啟承澤蔭

民國八年己未仲冬闔族恭定


祿元毓桂兆衍昌期

堯階吳公壽敬書




登科祠址圖

吳堯階繪




坐壬向丙兼亥巳之原




始遷祖詒燕堂祠址圖

吳堯階繪



祠址面積圖



回宇深一尺六寸一丈五尺七寸